

Ekwo Émọsu

Onye Mpfuchiru Chileke

1 ¹Ọwaa bụ olu-opfu Émọsu. Émọsu yì lẹ ndu nche aturu, shi lẹ mkpụkpu Tekowa. Ọwaa bụ iphe, ọ phuru l'ophulenya lẹ k'ehu ndu Ízurelu lẹ teke Uzáya bụ eze ndu Jiuda; teme Jierobowamu nwa Jiowashi buri eze ndu Ízurelu. Ọ phuchaa ya; ọ noada apha labo; teme o rwua apha ono, alì nmajeru jijijiji ono.

²Émọsu pfuru su:

“Chipfu nokwa l'úbvú Zayonu asu ekiri

bya anodukwapho lẹ Jierúsalemu ede ririri.

Èka ndu eche aturu anoduje eche aturu kposhihu nkụ.

Teme elikota úbvú Kamelu nwukota lwa.”

Aphụ, aa-nụ ndu Arámu

³Wakwa iphe, Chipfu epfu baa: “Eshinu Damasukosu mewaru iphe-iji eto bya eye eka lẹ k'eno be mu tee sephuekwaru iya oke ehu-eghu mu azu; kele epe chiwaru ndu Giladu pyaapya g'onye gude mgborigwe echishi eswa ereshi. ⁴Mu a-tu oku l'ulo Hazelu; l'o tsua ulo ulo, Benu-Hadadu kpuru kpushia ike. ⁵Mu e-tsukashi iphe, e gude tu-chia onu-abata mkpukpu Damasukosu. Mu emee ge ndu bu lẹ nsuda Avenu chihu; yee onye ono, no lẹ mkpukpu Betu-Edenu gude mgboro-eze l'eka ono. La kpua ndu Arámu lẹ ndzu lashia alì Kiru.” Nokwa iphe, Chipfu eepfu bu ono.

Aphụ, aa-nụ ndu Filisitayinu

⁶Wakwa iphe, Chipfu epfu baa: “Eshinu Gaza mewaru iphe-iji eto bya eye eka lẹ k'eno be mu tee sephuekwaru phe oke ehu-eghu mu azu; kele epe kpuru oha l'ophu lẹ ndzu bya eworu phe ye l'eka ndu Edomu. ⁷Mu a-tu oku l'igbulọ Gaza; l'o

tsua ọ̀lo ọ̀lo, a kpọ̀ru kpùshia ike l'ime iya. ⁸Ndu bu ẹ̀ ẹ̀ mkpùkpù Ashìdodu bẹ̀ mu e-me g'ẹ̀phe chihù; yẹ̀ onye ono, nọ̀ ẹ̀ mkpùkpù Ashikelọ̀nu gude mgbọ̀ro-eze l'ẹ̀ka ono. Mu eworu ẹ̀ka ghakpọ̀o chiahaa ndu mkpùkpù Ekuronu kẹ̀ gbaagbaa. Mu emekwaphọ̀ gẹ̀ ndu Filisitayinu lagbua l'iswi g'ẹ̀phe ha.” Nokwa iphe, Nnajjù-phu, bụ̀ Chipfu epfu bụ̀ ono.

Aphù, aa-nù ndu Taya

⁹Wakwa iphe, Chipfu epfu baa: “Eshinu Taya mewaru iphe-ẹ̀ji ẹ̀to bya eye ẹ̀ka ẹ̀ k'ẹ̀no bẹ̀ mu tee sephuekwaru phẹ̀ oke ẹ̀hu-eghu mu azù; kẹ̀le ẹ̀phe tùkoru ọ̀ha l'ophu, bụ̀ ndu a kpọ̀ru ẹ̀ ndzù woru ye l'ẹ̀ka ndu Edọ̀mu; shi nno woru oğbandzu ẹ̀phe l'unwune phẹ̀ nmaa phulaphula. ¹⁰Mu a-tù ọ̀ku l'igbulọ̀ Taya; l'o tsua ọ̀lo ọ̀lo, a kpọ̀ru kpùshia ike l'ime iya.”

Aphù, aa-nù ndu Edọmu

¹¹Wakwa iphe, Chipfu epfu baa: “Eshinu Edọ̀mu mewaru iphe-ẹ̀ji ẹ̀to bya eye ẹ̀ka ẹ̀ k'ẹ̀no bẹ̀ mu tee sephuekwaru iya oke ẹ̀hu-eghu mu azù; kẹ̀le o gude ogu-echi chĩa nwune iya ọ̀so; ọ̀phu ọ̀ phùduru iya obu-ime-mini ililekpọ̀; kẹ̀le ẹ̀hu ghuẹ̀ru iya phọ̀ eghe ẹ̀huka ẹ̀huka ghukwasẹ̀ru; tẹ̀me obu-ọ̀ku nkiya bụ̀ru k'ọ̀jeje. ¹²Mu a-tù ọ̀ku ẹ̀ mkpùkpù Temanu; l'o tsua ọ̀lo ọ̀lo, a kpọ̀ru kpùshia ike, nọ̀gbaa ẹ̀ mkpùkpù Bọ̀zura.”

Aphù, aa-nù ndu Amọnu

¹³Wakwa iphe, Chipfu epfu baa: “Eshinu ndu Amọ̀nu mewaru iphe-ẹ̀ji ẹ̀to bya eye ẹ̀ka ẹ̀ k'ẹ̀no bẹ̀ mu tee sephuekwaru phẹ̀ oke ẹ̀hu-eghu mu azù; kẹ̀le unwan-nyì, dù ime l'alì Giladu bẹ̀ ẹ̀phe wachaaru ibe; opfu l'ẹ̀phe eme g'ọ̀ke alì phẹ̀ kabaa ọ̀sa. ¹⁴Mu a-tù ọ̀ku l'igbulọ̀ mkpùkpù Raba; l'o tsua ọ̀lo ọ̀lo, a kpọ̀ru kpùshia ike l'ime iya. Noo teke aa-nọ̀du echi mkpu ọ̀gu l'ẹ̀ka ọ̀gu a-nọ̀du ada. Oke phẹ̀phẹ̀re ezikwaphọ̀ l'ẹ̀ka oke mini edze. ¹⁵L'a kpọ̀ru onye eze phẹ̀ ẹ̀ ndzù lashia alì ọ̀zo; yẹ̀-bedua yẹ̀ ndu-ishi l'alì-eze iya.” Nokwa iphe, Chipfu eepfu bụ̀ ono.

Aphù, aa-nù ndu Mówabu

2 ¹Wakwa iphe, Chipfu epfu baa: “Eshinu Mówabu mewaru iphe-ẹ̀ji ẹ̀to bya eye ẹ̀ka ẹ̀ k'ẹ̀no bẹ̀ mu tee sephuekwaru iya oke ẹ̀hu-eghu mu azù; kẹ̀le o keru ọ̀kpù onye eze ndu Edọ̀mu ọ̀ku; jasù ọ̀ bụ̀ru ntù. ²Mu a-tù ọ̀ku ẹ̀ Mówabu; l'o tsua ọ̀lo ọ̀lo, a kpọ̀ru kpùshia ike ẹ̀ mkpùkpù Keriyotu. Mbù ẹ̀ ndu Mówabu a-nwùshihu l'ùtsù ùtsù a-nọ̀du adapheru phẹ̀ nù; mẹ̀kpoo mkpu, aa-nọ̀du echiru phẹ̀; yẹ̀ opu-ọ̀gu, aa-nọ̀du egbu ẹ̀huka ẹ̀huka. ³Mu e-gbu onye eze phẹ̀; bya atùko ndu-ishi l'ime iya gbukọ̀be ẹ̀phe l'iya.” Nokwa iphe, Chipfu eepfu bụ̀ ono.

Aphù, aa-nù ndu Jiuda

⁴Wakwa iphe, Chipfu epfu baa: “Eshinu ndu Jiuda mewaru iphe-ẹ̀ji ẹ̀to bya eye ẹ̀ka ẹ̀ k'ẹ̀no bẹ̀ mu tee sephuekwaru phẹ̀ oke-ẹ̀hu-eghu mu azù;

kele ẹ̀phe jìkaru ekemu Chipfu; ọ̀phu ẹ̀phe etsojedu iphe, ọ̀ tọ̀ru ọ̀kpa iya sù g'e tsoje. Ọ̀ bọ̀ru ọ̀ghoshi ono, nna pẹ̀ jeru etsoru ono dephuru pẹ̀. ⁵Mu a-tù ọ̀ku l'alì ndu Jiuda; l'o tsua ọ̀lo ọ̀lo, a kpọ̀ru kpùshia ike lẹ̀ Jierúsalemù.”

Aphù, aa-nù ndu Ízurèlu

⁶Wakwa iphe, Chipfu epfu baa: “Eshinu ndu Ízurèlu mewaru iphe-ẹ̀ji ẹ̀to bya eye ẹ̀ka lẹ̀ k'ẹ̀no bẹ̀ mu tee sephuekwaru pẹ̀ oke ẹ̀hu-ẹ̀ghu mu azù; kele ndu Ízurèlu reru ndu pẹ̀berekoto gude reta mkpọ̀la-ọ̀chaa; bya eree ndu akpa nri gude reta akpọ̀kpa ẹ̀bo l'ẹ̀chiko. ⁷Ẹ̀phe azọ̀je ndu ọ̀kpa ọ̀kpa l'ishi zọ̀-mia l'urwuku, nọ̀ l'alì. Ọ̀phu ẹ̀phe ekpejeduru ndu eje iphe-ẹ̀huka ikpe, pẹ̀furu ọ̀to. Nna yẹ̀e nwa iya nọ̀du anọ̀duje ejepfu nwamgbọ̀ko lanù; shi nno tẹ̀rwua ẹ̀pha mu ono, dọ̀ nsọ̀ ono. ⁸Ẹ̀phe nọ̀du azejẹ̀gbaa aze ẹ̀lagùga iphe, bọ̀ ọ̀ru-ngweja l'eli uwe, a sẹ̀beru l'itumo. Ẹ̀phe nọ̀du anọ̀duje l'ọ̀lo agwa pẹ̀ ono angù mẹ̀e, e retaru lẹ̀ nre.

⁹“Mu mebyishiru ndu Amọ̀ru l'iphu pẹ̀. Mbù ndu hagbaa kẹ̀ kpaphere-ngu kpaphere-ngu g'oshi sida; bya akpọ̀o akpaa g'akpùrata. Mu mebyishia mebyi, ọ̀ mọ̀ru l'elikota; bya emebyishia ọ̀gbarabvu iya l'uzo alì. ¹⁰Mu shi l'alì ndu Ijiputu dua unu dufuta. Mu bya edua unu ọ̀kporo apha labọ̀ l'echiegu je emee g'unu lwùta alì ndu Amọ̀ru nworu. ¹¹Mu byakwaphọ̀ bya ahọ̀ta unwu unu unwoke g'ẹ̀phe bọ̀ru ndu mpfuchiru; bya ahọ̀takwapho unwu unu unwokorobya g'ẹ̀phe bọ̀ru ndu dọ̀ru Chileke iche. ?Tọ̀budu eviya bẹ̀ mu epfu-a; unubẹ̀ ndu Ízurèlu?” Nokwa iphe, Chipfu eepfu bọ̀ ono.

¹²“Obenu l'unu meru ndu ono, dọ̀ru Chileke iche ono; ẹ̀phe ngua mẹ̀e; bya asù ndu mpfuchiru g'ẹ̀phe te epfuhẹ̀ mpfuchiru. ¹³Nta-a bọ̀ru gẹ̀ mu bya abyazeta unu abyazeta ẹ̀gube ono, ọ̀gbo ivu abyazetajẹ̀ mẹ̀ e doo ya ereshi onoya. ¹⁴Ndu ọ̀kpa-ẹ̀gwa taa nahukwa; ọ̀phu ndu ọ̀kpehu dọ̀ adùkwa iphe, ẹ̀phe egude ọ̀kpehu pẹ̀ eme; ọ̀phu ndu dọ̀ ike ọ̀gu a-dùkwa ike adzọ̀ ndzọ̀ pẹ̀. ¹⁵Ndu maru agba apfù taa pẹ̀fukwaru; ọ̀phu ndu maru agba ọ̀so a-dùkwa ike agbala; ọ̀phu ndu agbajẹ̀ inya a-dùkwapho ike adzọ̀ ndzọ̀ pẹ̀. ¹⁶Mbù je akpachaa l'onye dọ̀ ike ọ̀gu, bọ̀ iya bẹ̀ ọ̀kpoma kachaa adùdu a-gbakwaru ọ̀to gbalaa mbọ̀ku ono.” Nokwa iphe, Chipfu eepfu bọ̀ ono.

3 ¹Unu nùmakwa opfu-a, Chipfu pẹ̀furu gude epfubyishi unubẹ̀ ndu Ízurèlu-a; epfubyishi ndu ọ̀nu-ọ̀lo ono l'ọ̀phu, bọ̀ ndu yẹ̀be Chipfu shi l'alì ndu Ijiputu dufuta onoya. Ọ̀ sọ̀ru-a: ²“Ọ̀ bọ̀ unu kpoloko bẹ̀ mu maru l'iphe, bukpo ipfu, nọ̀kota lẹ̀ mgboko l'ọ̀phu. Noo iphe, meru g'ọ̀ gude mu je lanù unu aphù ẹ̀jo-iphe, unu eme g'ọ̀ ha.”

Ozi onye mpfuchiru Chileke

³Umadzu ẹ̀bo ?ẹ̀phe aswiye ọ̀swi mẹ̀ ọ̀ bọ̀du l'ẹ̀phe zọ̀ru mgbede l'ẹ̀phe a-wata aswi ọ̀swi?

⁴Oduma ?oṅonoduje l'ọ̀swa sùà ekiri l'ẹ̀bẹ o gude iphe, oo-ri?
M̀b̀u-a; ?nwegbele-oduma abajẹ hanyìhanyi l'ẹ̀ka o bu l'ẹ̀bẹ abù l'o nwe-
ru iphe, o guderu?

⁵Ènu ?l'òodalahuje l'ònyà l'alì l'ẹ̀ka adudu ònyà, a gbaberu iya tọo?
Ònyà, a gbaberu agbabe l'alì ?oosweje l'ẹ̀bẹ abù l'ọ̀ duru iphe, kpọ-swe-
ru iya nù?

⁶E -gbuahaa opu lẹ mkpukpu; ?ndzù ta agujedu ndu bu iya nù tọo?
?Ephe ta anmajedu pyaapyaapya?

Teke ọ̀la-l'iswi byapfutaru mkpukpu; ?tọ̀ b̀du Chipfu meru pẹ̀ iya
tọo?

⁷Tororo b̀u lẹ̀ Nnajiuphu, b̀u Chipfu ta adudu iphe, oomeje l'ẹ̀bẹ ekpuha
idzu iya goshi ndu-ozì iya, b̀u ndu mpfuchiru iya.

⁸Oduma sùakwaru ekiri. ?B̀u onye a-sù lẹ̀ ya ta atsudu ebvu?
Nnajiuphu, b̀u Chipfu pfuakwaru opfu. ?B̀u onye a-sù lẹ̀ ya a-nọ̀du doo
gẹ̀ ya ta epfu iphe, Chipfu pfuru?

Iphe-ẹ̀jì ndu Samériya

⁹Raa ya arara l'iphe, bukpoò ọ̀lo, a kpuru kpushia ike lẹ̀ mkpukpu
Ashìdodu yẹ̀le ọ̀phu nọ̀ l'alì ndu l'jiputu sù pẹ̀: “Unu je edzukọ̀ onwunu
l'úbvú úbvú alì Samériya hùma ùtsú, ada l'ime iya; yẹ̀le mkpawere, eeme
ndibe iya!”

¹⁰Wakwa iphe, Chipfu epfu baa: “Ephe ta amadù g'eemeje iphe, d̀u ree.
Ụ̀lo pẹ̀, a kpushiru ike b̀u iphe, jiru iya nù b̀u iphe, a nataru l'omeliwe;
yẹ̀ iphe, a narù lẹ̀ nfù.” ¹¹Ọ̀o ya b̀u lẹ̀-a; wakwa iphe, Nnajiuphu, b̀u Chi-
pfu epfu baa: “Ọ̀hogu l'a-gba alì ono ophorokpo; kwatsushia iphe, bukpoò
ọ̀lo, akpùshiru ike; kwaa ọ̀kwata l'iphe, bukpoò ẹ̀ka unu kpuru o shihu
dungudungu.”

¹²Wakwa iphe, Chipfu epfu baa: “Ọ̀ kwa g'onye eche aturu d̀uru ike
nafuta aturu iya l'ọ̀nu oduma; ọ̀ b̀uru iphe, ọ̀ nafutaru kpoloko b̀u nwo-
shi-ọ̀kpa iya labo; ọ̀zoo nwibiribe nchì iya-a; nokwa g'aa-dzọ̀ta-beru
ndu Ízuru lẹ̀ b̀u ono; mb̀u ndu ono, bugbaa lẹ̀ mkpukpu Samériya; nọ̀-
gbaa l'igburonu iphe-azẹ̀e pẹ̀; yẹ̀le nkuku ẹ̀temu pẹ̀.” ¹³Wakwa iphe,
Nnajiuphu, b̀u Chileke epfu; mb̀u Chipfu, b̀u Ọ̀kalibe-Kakọ̀ta-Ike: “Unu
nùmakwa iphe-a je agbaa ọ̀nu-ọ̀lo Jíékọ̀pu ekebe: ¹⁴Mbọ̀ku, mu a-nù ndu
Ízuru aphù atupya, ephe tupyaru mu bẹ̀ mu e-mebyishi ọ̀ru-ngweja,
nọ̀gbaa lẹ̀ mkpukpu Bẹ̀telu. Mpu ọ̀ru-ngweja ono bẹ̀ ee-chikwofu l'ọ̀ daa
l'alì. ¹⁵Mu alashia ọ̀lo, ephe kpuru doberu ọ̀nanwu; yẹ̀le ọ̀phu ephe kpuru
doboru udzu-mini; mb̀u l'ọ̀lo ono, e gude eze-enyi mee omemma ono bẹ̀
mu e-mebyishichaa; l'a kwatsushichaa ọ̀lo-eli pẹ̀ g'ọ̀ ha.” Nokwa iphe,
Chipfu eepfu b̀u ono.

4 ¹Unu nùma opfu-a; unubẹ̀ eswi alì Beshanu ono, nọ̀gbaa l'úbvú
Samériya; mb̀u unubẹ̀ unwanyi ono, emekpa ndu ọ̀kpa ẹ̀hu; tẹ̀me ọ̀

bùru ndu adùdu g'ò dù phẹ̀ bẹ̀ unu egwe uji; unu -gbeshi; unu asù nnajìu-phu unu phẹ̀-a: “Unu nù anyi mee g'anyi ngua!”² Nnajiuphu, bù Chileke gudeakwa adù nsò iya ria angù sù: “Unu lekwa; ujiku lanù bẹ̀ ee-gudekwa ìkekee setachaa unu g'unu ha. Mbù l'eegude ìkokoro, e gude anma ẹ̀ma nmatachaa ndibe unu ndu ọ̀phu phòduru nù. ³G'unu hakpọ̀o nanù nanù bùru igbulọ̀ bẹ̀ ee-gbuwa chìru unu chìghaa. Ọ̀ bùru ọ̀zo ẹ̀ka aanođu achi-phushi unu bù l'ọ̀zo Hamonu.” Nokwa iphe, Chipfu eepfu bù ono.

Ndu Ízurèlu teke alwapfutadu Chileke

⁴“Unu je mkpukpu Bẹ̀telu je emee iphe-ẹ̀ji! Unu eje mkpukpu Gilugalu je akabakpọ̀o ya rọ̀ ememe! Unu gweje ngweja unu l'ùtsu mbọ̀ku-mbọ̀ku! Unu pfuje oke-lanù-l'uzo-iri unu l'ime ujiku ẹ̀to ẹ̀to! ⁵Unu woru buredi, e yeru iphe, eekoje buredi woru kpọ̀o ọ̀ku g'ò bùru ngweja obunggo! Unu -nođu anù Chileke iphe kẹ̀ mmanù; unu arajẹ̀ iya arara! Mbù-a; unu pfua ya g'a nùma-dzuru; unubẹ̀ ndu Ízurèlu; kẹ̀le ọ̀o iphe ono bù iphe, aduje unu ree ememe.” Nokwa iphe, Nnajiuphu, bù Chipfu eepfu.

⁶“Gẹ̀ mu harù unu; ọ̀nu nri chihu unu l'iphe, bukpo mkpukpu unu l'ẹ̀hu l'ẹ̀hu; bya emee; ọ̀phu ọ̀ dudu mkpukpu unu ọ̀phu nri dù; ọ̀phu unu alwakwarupho azù lwapfuta mu.” Nokwa iphe, Chipfu eepfu. ⁷“Mu mekwarupho g'igwe te edzeheru unu mini teke ọ̀ phòdukwaruro ọ̀nwa ẹ̀to tẹ̀me leemeta iphe, emeberu l'alì. Ọ̀ nođu abujeru mu -dzeeru mkpukpu ọ̀wa-a mini; mu ahaa ndu ọ̀phuu. Igwe -dzee mini l'ẹ̀gu ibiya ọ̀wa; l'ọ̀ haa ibiya ọ̀phuu l'ọ̀ kpọ̀hu jegiri jegiri. ⁸Ndu mkpukpu labọ̀ ọ̀zoo ẹ̀to nođu anọ̀duje awù gbiigbiigi eje lẹ̀ mkpukpu lanù eje achoro mini-angungu; ọ̀phu ẹ̀phe ahumajedu mini, a-suru phẹ̀ angungu; ọ̀phu unu alwakwarupho azù lwapfuta mu.” Nokwa iphe, Chipfu eepfu.

⁹“Mu gudewaa nchacha-manù yẹ̀e atsù-evu gude dapfu unu. Mu gude iya mee gẹ̀ mgbabu unu yẹ̀e opfu-vayinu unu dabyiru iphoro. Igube bya atapyashia oshi olivu unu; yẹ̀e oshi figu unu; ọ̀phu unu alwakwarupho azù lwapfuta mu.” Nokwa iphe, Chipfu eepfu.

¹⁰“Mu bya emee g'ẹ̀jo iphe-ememe wata unu ememe ẹ̀gube ono, mu meru; o mee ndu Ijiputu ono. Mu gude ogu-echi gbushia unwokorobya unu; bya erwuta inya unu kpua ya lẹ̀ ndzù. Mu bya atsù-jia imi unu atsù-ji l'ishishi iphe, shigbaa l'ẹ̀ka ndu ojogu unu dogbaaru; ọ̀phu unu alwakwarupho azù lwapfuta mu.” Nokwa iphe, Chipfu eepfu.

¹¹“Mu harù mkpukpu unu mebyishia ẹ̀gube ono, mu mebyishiru Sodomu waa Gomora ono. Mbù l'unu dẹ̀pho gẹ̀ nkù-ọ̀ku, a lofutaru l'ẹ̀ka ọ̀ku eke iya; ọ̀phu unu alwakwarupho azù lwapfuta mu.” Nokwa iphe, Chipfu eepfu. ¹²“Oo ya bù lẹ̀-a; wakwa iphe, mu e-me unubẹ̀ ndu Ízurèlu baa. Tẹ̀manu-a; eshinu mu e-me unu iphe ono; unu kwakobekwa akwakobe ejepfu Chileke unu; unubẹ̀ ndu Ízurèlu!”

13 Ọ́ k̀wa onye ono,
 ̀b̀y iya meru ̀úbv́;
 bya edobe ph̀er̀eph̀ere;
 mb̀y onye ewojeru
 iphe,
 ọ́ori kpúhaa goshi nemadz̀y;
 onye ono, emeje g'̀útsu
 gbah̀y ọ́chii;
 t̀eme ọ́ nọ́du azọ́ garamu
 garamu l'eli ̀úbv́,
 nọ́gbaa l̀e mgboko.
 Epha iya ̀b̀kwa Chipfu;
 bya ab̀uru Chileke,
 ̀b̀y Ọ́kalibe-Kakọ́ta-Ike.

Erwubvu ẹ̀hu ndu Ízùr̀el̀u

5 1 Unu ǹumakwa opfu-a; unub̀e ọ́nu-̀ulo Ízùr̀el̀u; mb̀y erwubvu ẹ̀hu unu-a, mu erwu-a:

2 “Ndu Ízùr̀el̀u, ̀b̀y nwamgbọ́ko
 ono ỳe nwoke teke
 akwaswee ono
 daakwaru darwua alì;
 ọ́phu ọ́ gb̀eshibaekwa
 ọ́zo.

A par̀y iya haa l'alì l'ẹ́ka
 ọ́ dabyiru;
 ọ́phu ọ́ d̀udu onye palia ya.”

3 Wakwa iphe, Nnajiuphu, ̀b̀y Chipfu epfu baa: “Mkp̀ukpu, ch̀i unu ojoḡu lab̀o l'̀ukporo ojoḡu iri ejeru Ízùr̀el̀u oḡu ̀b̀y iphe, oo-gude lwa ̀b̀y ̀ukporo ojoḡu ise kpoloko. Mkp̀ukpu ọ́phu ch̀ikwanu ̀ukporo ojoḡu ise eje ̀buru ojoḡu iri a-lwa.”

4 Wakwa iphe, Chipfu epfu aǹy ọ́nu-̀ulo Ízùr̀el̀u: “Unu ch̀o mu; dzuru ndz̀y. 5 Unu ba achọ́kwa B̀etelu! Ọ́phu unu ejekwa Gilugalu! Unu ta at̀y-gbukwa jeshia Biye-Sheba! K̀e ndu Gilugalu ̀b̀e aa-kp̀ukwa l̀e ndz̀y; l'eme B̀etelu; ọ́ t̀o d̀udu iphe, ọ́o-̀b̀y.”

6 Unu ch̀okwaa Chipfu dzuru ndz̀y. Ọ́dumeka ̀b̀e ọ́o-gbakwa ọ́nu-̀ulo Jiósefu ophorokpo g'ẹ́ka ọ́ku etsu. Mb̀y l'oo-tsu iya tsufu; ọ́ t̀o d̀udu onye a-s̀uru iya egbota l̀e B̀etelu. 7 Nsh̀io unub̀e ndu ono, ewojeru ikpe, pfuru ọ́to mee iphe, atso ilu ono; t̀eme unu nọ́du ewojeru apf̀ubekoto gwọ́o l'alì.

8 Onye ono, ̀b̀y iya meru
 kpokpode,
 ̀b̀y Puleyadesu;

bya aburu iya meru
 kpokpode, bu Orayonu;
 onye emeje tsukiribaa
 ochii l'ò buru ìphóró
 nchi-abòhu;
 tème ọ ñodu ejikputeje
 eswe mee ya l'ò buru
 ẹnyasi;
 onye ekuje mini,
 dọru l'eze-ẹnimu oku;
 l'ò bya eworu iya
 dzeeru eliphe l'ophu;
 ọ kwa Chipfu bu
 ẹpha iya.

⁹ Onye emeje ge mkpurupyata
 loo vaa so-kpute ndu
 ike du;
 tème ọ ñodu emeje ge
 mkpukpu,
 a kpu-pheru igbulọ
 mgburugburu buru
 mkpurupyata.

¹⁰ Onye abajeru unu mba l'edupfu be unu akpoje ashi; temanu ọ bu-
 ru onye epfuje ire-lanu be unu anoduje akpofu akpofu. ¹¹ Oo ya bu le-a;
 eshinu unu azoje ndu ukpa tolitoli; tème unu ñodu ekebutaje phe g'ephe
 nu unu ereshi; be a makwaru-a l'unu pyishiru mkpuma gude kpushia ulo;
 obenu l'ò tọ dudu ophu unu e-bu. A makwaru-a l'unu kowaru opfu-vayi-
 nu, du ubvu l'enyia; obenu l'unu taa ngudu mee, shi iya nu; ¹² kele mu
 maru g'emeswe, unu mesweru habe igwerigwe; bya amaru g'iphe-aji, unu
 meru habe shii. Unu anoduje emekpa ndu pfuberekoto eh; tème unu
 ñodu anoduje eri uphalazu; tème ophu unu ekpejedu ndu ukpa ikpe, pfu-
 ru oto l'edupfu. ¹³ Oo ya bu l'onye nweru egomunggo e-dobejeepho onu
 doo me ọ dajewaa nno; kele teke ono bukotakwa ejo mboku.

¹⁴ Unu choje iphe, du ree; g'ò tọ bu iphe, du eji; k'ophu unu a-ñodu
 ndzu. Noo teke Chipfu; mbu Chileke, bu Okalibe-Kakota-Ike e-swiru unu;
 egube ono, unu asuje l'o swiru unu nta-a ono. ¹⁵ Unu kpoọ ejo-ememe
 ashi! Unu eyee eme iphe, du ree obu! Unu kpeje ikpe, pfuru oto l'edupfu;
 ?a maru; ?Chipfu; bu Chileke, mbu Okalibe-Kakota-Ike a-phuru unu obu-
 imemini; mbu unube nwa ndu ophu phoduru nu le ndu onu-ulo Jiósęfu.

¹⁶ Oo ya bu le-a; wakwa iphe, oopfu; mbu Nnajiuphu, bu Chipfu; bya
 aburu Chileke; buru Okalibe-Kakota-Ike: "Uzu-ekwa a-ñodu atı l'iphe,
 bukpoọ gbororo. Ekwa aphu anodu ada l'edupfu l'edupfu. Le kua ndu

akoje opfu g'ẹphe bya adọbe ẹkwa raahaa; kua ndu maru aka ẹreshi ẹkwa g'ẹphe bya akwashija ẹkwa ike. ¹⁷Uzu-ẹkwa a-nọdu atọ l'ẹkameka, a kọru opfu-vayinu; kele ẹka unu dọru bẹ mu a-bya eshijaa ẹbo ghata." Nokwa iphe, Chipfu eepfu bụ ono.

¹⁸Nshio unubẹ ndu oogu g'asụ l'eswe kẹ Chipfu rwuwaru! Sụ-a; ?bụ gu- nu kparụ iphe, eswe Chipfu agụ unu ẹgu? Mbọku ono a-bụkwaru ọchii; ọ tọ bụkwaru iphóró. ¹⁹Oo-du g'ẹgube-a, aa-sụ lẹ nwoke nahuru oduma; o gbapfu agụ. O nahụ ono bya abahụ l'ulo iya je anọdu woru ẹka tọ-kobe l'igbulọ; agwọ bya ataa ya. ²⁰Eswẹ Chipfu a-bụkwaru ọchii; ọ tọ bụkwaru iphóró. Mbụ l'oo-gbakọta tsukiribaa; k'ọphu bụ l'iphóró taa dọkpodaa ya ililekpọo.

²¹"Obo-iphe, unu abọru mu bẹ mu kpọkwaru ashi; tẹme ọphu mu anatakwaru iya; ọphu edzuko, unu edzukojeru mu adujeekwa mu ree. ²²A makwaru-a l'unu egweje ngweja-akpo-ọku nụ mu; unu ewota ngweja-nri gude bya mu agwagwa; obenu lẹ mu ta anatajedu iya. Unu -hotachakponu iphe ahota gude bya egweeru mu ngweja-ẹhu-guu; ọ tọ dọkwa iphe, mu a-gube iya. ²³Wofukwaru mu uzu ono, dọ l'ebvu ono, unu agụ ono; kele mu ta angabejekwa nchi k'anuma iphe, nkwa unu ada. ²⁴Obenu lẹ-a; g'ikpe, pfuru ọto watanu asọ gborogboro gẹ nggele! G'apfubekoto watanu asọ g'enyimu, ta asọ-buhujedu asọ-buhu!

²⁵"Sụ-a; unubẹ onu-ulo Izurelu; ukporo apha labo bẹ mu l'unu nọru l'echiegu. ?Unu shi agwaje mu agwagwa l'eka ono? Tọo ?unu shi anuje mu iphe? ²⁶Obenu lẹ nta-a bụ iphe, unu kporu obu yeru bụ nshi onye eze unu, bụ Sakutu; yee iteshi ibe unu, bụ Kayiwanu; mbụ kpokpode ono, unu gwotaru l'onwunu ono. ²⁷Noo g'o gude mu je l'eme g'a kpua unu lẹ ndzụ je aghaa mkpukpu Damasukosu aghagha tugbua." Nokwa iphe, Chipfu eepfu bụ ono; mbụ onye ono, ẹpha iya bụ Chileke bya aburu Okalibe-Kakota-Ike.

Ọshi, akuru ndu akpa ntusaru-ẹhu

6 ¹Nshio unubẹ ndu akpa ntusaru-ẹhu l'ubvú Zayonu; mekwapho unubẹ ndu nọ l'ubvú Samériya ari l'ọ tọ duedu iphe, adu ike eme unu; mbụ unubẹ ndu a maru amaru, shi l'oha, bụ ishi oha l'ophu, bụ ndu ono, onu-ulo Izurelu anọduje ejepfu. ²Unu jenu mkpukpu Kalune je ahuma g'ọ gbaru! Unu eshi l'eka ono jeshia Hamatu; mbụ eze mkpukpu ono! Unu eshi kwapho l'eka ono jeshia Gatu, bụ mkpukpu ndu Filisitayinu! ?Unu kakota ali-eze-a g'ẹphe ha ree too? ?Ali phe ka k'unu ọsa tọo? ³Mbụ unubẹ ndu woru ejo mbọku dobe ụzenya ụzenya; ọ buru okposhi omeliwe bẹ unu pataru dobe onwunu ntse ntse. ⁴Ndu bụ iphe, ẹphe azeje aze bụ iphe-azeje, e gude eze-enyi memaa. Teme ẹphe nọdu azeje manyo l'iphe-azeje phe. Nri, ẹphe erije bụ anu unwu-aturu, shigbaa l'igwe aturu phe; yee unwu-eswi, shigbaa l'ikpoto eswi phe. ⁵Ndu anọduje agụ-phe

jogojogojogo ebvu akpọ une eye iya; emeshigbaa iphe òphúú, e gude agù ebvu gẹ Dévidi. ⁶Iphe, unu egudeje angù mee bụ eze ụwaka. Ọ bụ ru manụ, kachaa eshi mkpọ bẹ unu anyịje. Obenu l'unu ta agụjedu aphu ọla-l'iswi-a, ọnu-ulo Jiófẹfu ala-a. ⁷Noo g'ọ gude unu je l'aburu ndu mbu, ee-vuru ụzo kpua lẹ ndzu. Ọbo-iphe ndu ono, azeje manyọo ono aburu bugemu.

Chipfu akpọfu eku-onwonye kẹ ndu Ízurelu akpọfu

⁸Nnajiuphu, bụ Chipfu gudewaa onwiya ria angù; mbu lẹ Chipfu ono, bụ Chileke; bya aburu Ọkalibe-Kakọta-Ike ono pfulwaru su: “Eku-onwonye, oshilokpa Jiékọpu eku bẹ mu akpọfu akpọfu. Mbu l'ulo ulo, ephe anọduje zeeru ndzu g'ọ ha bẹ mu kpọru ashị. Noo g'ọ gude mu je l'eworu mkpukpu-a; yee iphemiphe, dọ iya nụ ye l'ẹka ndu ọhozo.”

⁹Teke ụmadzu iri phọduru l'ulo lanu; ephe anwuhukwapho. ¹⁰Teke abubu phe, bụ onye a-kpọshi odzu phe ono oku byaru g'ọ chita phe chipfu l'ulo ono; ọ jia onye domikwaduru onwiya l'ẹka ono su iya: “?O nweru onye gu l'iya nọ l'ẹka ono?” Ọ su: “Waawaa-o!” Lọ su: “Ngwa; dobeekwapho ọnu ngu doo! G'anyi te ejekwa ekusweta epha Chipfu!”

¹¹Kẹle Chipfu sụwaru l'ọ noo g'ọo-dụ. Ọ je l'etsukpọshichaa oke ulo ono etsukpọshi; tsukpọshia ndu ọphu bụ ulo nshii l'ọ dakaa nanu nanu. ¹²?Inya agbajẹ oso l'ẹka dọ mkpuma mkpuma? Tọo ?eegudeje eswi akọ okoro l'egube ẹka ono? Obenu l'unu mewaru ikpe, pfuluru ọto; ọ buri iphe, egbu egbugbu; bya emee akpuru, apfubekoto a-mi; ọ buri iphe, atso ilu.

¹³Unu ete eswa l'ẹka unu lwutaru mkpukpu Lodeba. Teme unu nọdu asuje: “?Tobudu l'ike okpu k'anyi bẹ anyi gude lwuta mkpukpu Kanayimu?”

¹⁴Wakwa iphe, oopfụ; mbu Chipfu, bụ Chileke; bya aburu Ọkalibe-Kakọta-Ike: “Mu e-je akpatsu ọha, a-bya etso ngu ọgu; gube ọnu-ulo Ízurelu. Ephe e-mee ngu pho ewere; e -shi lẹ mkpukpu Lebo-Hamatu jasụ lẹ nsuda Araba.”

Igube; waa oku; waa iphe, eegudeje akpụ igbulọ g'ọ pfuluru ọto

7 ¹Wakwa iphe, Nnajiuphu, bụ Chipfu goshiru mu baa: Oodozi igube, a-bya bya atapyashia iphe, e meberu l'alị, e-fushi ome me a -kpatachaepho kẹ mbu. Kẹ mbu ono bụ ọphu aanuje eze kele ọ bụ iphe, rwuberu iya nụ. ²Tobudu iya bụ; ephe tukpọpho iphemiphe, futaru l'alị tafu. Mu chia mkpu su: “Gube Nnajiuphu, bụ Chipfu; gunaa nvu jiko! Denu g'unwu Jiékọpu e-shi wafu l'ẹbe abụ l'ọ baru ishi?”

³Ọ buri iya bụ lẹ Chipfu agbanwee ẹka l'eme iphemiphe ono. Chipfu bya eyee ọnu su: “Ọwaa taa nwukwa!”

⁴Wakwa iphe, Nnajiuphu, bụ Chipfu goshiru mu baa: Nnajiuphu, bụ Chipfu kuru oku, enwu enwunwu oku gẹ ya gude iya kpee ikpe. Ọ bya

etsua jasụ Eze Ẹnyimu tashihu; alì kpọshihu nkụ. ⁵Tọbudu iya bụ; mu chishia mkpu sụ: “Gùbe Nnajiuphu, bụ Chipfu; te emehenu jiko! ?Denu g'unwu Jiékpọ e-shi waa l'èbe abụ l'ọ barụ ishi?”

⁶Ọ bụru iya bụ lẹ Chipfu agbanwee ẹka l'eme iphemiphe ono. Nnajiuphu ono, bụ Chipfu bya eyee onu sụ: “Ọwaa taa nwụkwapho!”

⁷Wakwa iphe, o goshiru mu baa: Chipfu p̄furu l'agụga igbulọ. Ọ bụru iphe, o gude l'ẹka bụ iphe, eegudeje akpụ igbulọ g'ọ p̄furu ọto. Ọ bụru iphe, eegudeje akpụ igbulọ ono bẹ e gude kpua igbulọ ọbu. ⁸Chipfu bya ajia mu sụ mu: “Émọsu; ?bụ gunu bẹ ì hụmaru?”

Mu sụ iya: “Ọ kwa iphe, eegudeje akpụ igbulọ g'ọ p̄furu nhamunha.”

Tọbudu iya bụ; Nnajiuphu ono bya asụ mu: “Lekwa; mu e-woru iphe, eegudeje akpụ igbulọ g'ọ p̄furu ọto dobe l'echilabọ ndu Ízurelu. Mu taa haedu p̄hẹ ọzobaa gẹ mu ta anụ p̄hẹ aphụ. ⁹Ẹka aagwajẹ iphe agwagwa ono, Áyizaku doberu ono bẹ ee-mebyishikọta. L'a bya etsukpọshia ẹka ndu Ízurelu doberu nsọ. Ọ bụru ogu-echi bẹ mu e-gude tsoo onu-ulo Jierobowamu ọgu.”

Émọsu yẹe Amazaya

¹⁰Tọbudu iya bụ; Amazaya, bụ onye uke, l'agwa iphe lẹ Bẹtelu bya ezia ozi g'e je ezia onye eze ndu Ízurelu, bụ Jierobowamu sụ iya: “Émọsu nọakwa l'echilabọ onu-ulo Ízurelu gẹdegedede achiru ngu ejo-idzu. Alì ta asụekwa akùbe iphe, oopfụ. ¹¹Lẹ-a; wakwa iphe, Émọsu epfugbaa baa: ‘Ọ kwa ogu-echi bẹ ee-gude gbua Jierobowamu; ọphu ọ dukwa iphe, e-me g'a ta kpụ ndu Ízurelu lẹ ndzụ chiru p̄hẹ lufu l'alì p̄hẹ gẹdegede.’”

¹²Amazaya bya agbeshikwapho bya ejepfu Émọsu je asụ iya: “Tugbua lufu l'ẹka-a gùbe nwọphu aphụ ọphuleny! Tugbua laphu azụ l'alì ndu Jiu-da; je anọdu l'ẹka ono kpata nri, ii-ri; nọdu l'ẹka ono p̄fu iphe, iipfu! ¹³Ba nọduekwa lẹ Bẹtelu sụ l'i pfuchiru Chileke; kele ẹka ono bukwa ẹka duru eze lẹ nsọ; teme ọ bụru ẹka ndu Ízurelu kpuru eze-ulo p̄hẹ.”

¹⁴Noo ya; Émọsu bya eyeeru Amazaya onu sụ iya: “Mu te eshikwa bụru onye mpfuchiru; ọphu ọ bukwa onye mpfuchiru nwuru mu. Ọ kwa onye eche aturu bẹ mu shi bụru; bya aburu onye akọ opfu oshi sikamo.

¹⁵Tọbudu iya bụ; Chipfu bya ekua mu l'ẹka mu nọ eche aturu bya asụ mu gẹ mu tugbua je epfuchiru iya opfu ẹhu ndibe iya, bụ ndu Ízurelu.

¹⁶K'ọphu bụ lẹ-a; nưmakwa Opfu Chipfu. G'ì suru gẹ mu te epfuhẹkwaru opfu Chileke nū ndu Ízurelu; gẹ mu haa epfu opfu ẹhu onu-ulo Áyizaku.

¹⁷Ọo ya bụ lẹ-a; wakwa iphe, Chipfu epfu baa: Nyee ngu e-mechakwaa wata agba ukpara l'oma mkpukpu; teme ọ bụru ogu-echi bẹ ee-gude gbushia unwu ngu unwoke mẹ unwu ngu unwanyi. Alì ngu bẹ aa-tù atùtù gude washiaru ndu ọzo; teme gubedua l'onwongu bụ l'alì ndu amadu Chileke bẹ ii-mechaa nọdu nwuhu. Ọzo bụ lẹ ndu Ízurelu ta adudu iphe, ee-me g'a ta kpụ p̄hẹ lẹ ndzụ chiru p̄hẹ chifu l'alì p̄hẹ.”

Nkata akpuru-ipe, charu achacha

8 ¹Wakwa iphe, Nnajiuphu, bu Chipfu goshiru mu baa: nkata, akpuru-ipe, charu achacha jiru ejiji. ²Ọ bya ajia mu sù mu: “Émọ̀sù; ?bu gunu be i humaru?”

Mu sù iya: “Ọ kwa nkata, akpuru-ipe, charu achacha jiru ejiji.”

Tọ̀budu iya bu; Chipfu sù mu: “Teke ikpazù kẹ̀ ndibe mu bu ndu Ízurelu ruwakwaru. Ophu mu ahaẹ̀kwa pẹ̀ ọ̀zobaa gẹ̀ mu ta anù pẹ̀ aphù.”

³Wakwa iphe, Nnajiuphu, bu Chipfu epfu baa: “O -rwua mbọ̀ku ono be ebvu, aagùje l'eze-ùlo Chileke-a l'a-buru ọ̀zu-ẹ̀kwa be aa-nọ̀du atù iya. Odzu be a-dù igwerigwe igwerigwe dakaa l'ẹ̀kameka. Ẹ̀kameka adaa nyonyoronyo.”

Aanù ndu Ízurelu aphù

⁴Unu nùmakwa iphe-a; unubẹ̀ ndu azotoshi ndu adùdu g'ọ̀ dù pẹ̀; tẹ̀me unu nọ̀du eme gẹ̀ ndu akpa nri l'alì unu bvùbe; ⁵mbù unubẹ̀ ndu asùje: “?Bunaa teke ole be Ọ̀bo Ọ̀nwa-ọ̀phúú a-bvunaa; k'ọ̀phu anyi a-wata ere ereshi? ?Bunaa teke ole be eswe-atùta-unme a-bvunaa; k'ọ̀phu anyi a-wata azù witi?” Ẹ̀pẹ̀ nọ̀du emeje tinu ereshi pẹ̀ l'ọ̀ lwa alì; mee aswa iya l'ọ̀ ka shii; bya egude iphe, aatùje iphe, e meru l'ùgho gude eme ndiphe mkpurukpuru-ẹ̀nya. ⁶Unu egudeje mkpọ̀la-ọ̀chaa zù aswa ishi ndu akpa nri. Teke ọ̀ bu onye adùdu g'ọ̀ dù iya; unu achita nwa akpọ̀kpa labọ̀ gude zù aswa ishi iya. Unu nọ̀du akpọtaje witi ndu ọ̀phu e gege awùshi awùshi gwakọ̀be l'ọ̀kpobe iya ree.

⁷Chipfu gudekwa l'oshilọ̀kpa Jiékoju pẹ̀ eku onwopẹ̀ ria angù sù: “Mu ta abyakwa azọ̀ha iphe, ẹ̀pẹ̀ meru. ⁸Iphe-a e-mechakwaa mee alì anmaa jijijijii. Iphe, bukpoò ndu bu iya nù anọ̀du agù aphù iya. Alì-a l'ọ̀phu a-bya utso. Aa-kpatsu iya l'ọ̀ bya kùlakula g'utso; l'ọ̀ bya alaẹ̀kwa-pho pyẹ̀tee g'ẹ̀nyimu ndu l'jiputu.”

⁹Wakwa iphe, Nnajiuphu, bu Chipfu epfu baa: “O -rwua mbọ̀ku ono be mu e-me g'ẹ̀nyanwu rìba l'echi eswe; mee eliphe l'ọ̀phu agbahù ọ̀chii l'echilabọ̀ eswe. ¹⁰Ọ̀bo-ipe, unu abọ̀je be mu a-gbanwe g'unu wata atù ọ̀zu-ẹ̀kwa. Mu agbanwee ebvu ono, unu agùje ono g'ọ̀ buru erwubvu. Mu e-me unu g'unu hakọ̀ta unu anmakọ̀taru uwe-aphù; kpùshikota ishi anwùhu. Mu emee mbọ̀ku ono g'ọ̀ dù unu g'onye agù aphù nwa nwoke lanù, ọ̀ nwùtaru kpoloko, nwùhuru nù. Eswe mbọ̀ku ono -bya abvù be ọ̀-otsokotaepho ilu ilu.”

¹¹Wakwa iphe, Nnajiuphu, bu Chipfu epfu baa: “Mbọ̀ku abyakwa; mbù mbọ̀ku, mu e-me g'ẹ̀gu wata eme l'alì-a. Ẹ̀gu, mu epfu opfu iya ta abùkwa ẹ̀gu nri; ọ̀zoo ẹ̀gu mini. Obenu l'ọ̀o ẹ̀gu anùma opfu kẹ̀ Chipfu. ¹²Nemadzù e-tsoru aghaphe; o -shi l'ẹ̀nyimu ọ̀wa-a; l'ọ̀ daghaa ẹ̀nyimu ọ̀phuu; l'ọ̀ shi l'isheli; l'ọ̀ ghaphee jeshia l'ùzo ẹ̀nyanwu-awawa l'ẹ̀ka ẹ̀pẹ̀ achọ̀ ẹ̀ka

ẹ̀phe a-nụma opfu kẹ Chipfu; ọ̀le ẹ̀phe taa hụmadu iya. ¹³O -rwua mbo-ku ono bẹ ẹguru nwanyi, ama ntumatu; yee nwokorobyia, gbashiru ike ntumatu a-tulwahu l'eka ekpiri akpo phe jegiri jegiri. ¹⁴Ndu ono, gude ẹbyi kẹ Sameriya ria angu ono; mbu ndu ono, asuje: 'Eshinu agwa ndibe gube Danu no ndzu g'o no iya-a'; ozokwanu: 'Eshinu agwa ndu Biye-Sheba no ndzu g'o no iya-a'; ndu ono a-dakota; ophu ẹphe abyadu agbeshibaa agbeshi."

Ndu Ízurelu bẹ ee-mebyishikwa

9 ¹Mu phuru ophulenyia huma Chipfu l'eka o pfuru l'aguga oru-
ngweja epfu su: "Chia iphe l'eli mkpotsu itso, gude eze-ulo-a; k'ophu okpa-ulo iya l'ophu a-nmakota jijijiji. G'o nwukposhihu daa l'eli ishi onyemonye. Nwa ndu ophu phoduru nu buru ogu-echi bẹ mu e-gude gbushia phe. O to dudu me onye lanu anahu nu. Ophu o dudu onye ophu byaru agbala nu. ²O to dudu m'obeta ẹphe tuchakpoo nsu tu-rwua alimaa; mu eyekwapho eka l'ime eka ono guta phe. Ophu o dudu m'obeta ẹphe nyihu eli nyirwua imigwe; mu eshikwapho l'eka ono lo-zeta phe. ³O to dudu m'obeta ẹphe je edomia onwophe l'eli ubvu Kamelu; mu achilekwaa nta-a phe chirwua eka ono je akpufuta phe. Ophu o dudu m'obeta ẹphe je edomia onwophe l'ohu eze-enyimu; mu akaru ejo agwo l'o je l'eka ono je atagbushia phe. ⁴O to dudu m'obeta ndu ohogu phe kpuchaa phe le ndzu lashia ali phe; noo eka mu a-karu ogu-echi l'o je aphua phe terii. Mu a-tabee phe pho enya ge mu mee phe ejo-iphe; o to bukwa ge mu meeru phe ree."

⁵ O kwa Nnajiuphu, bu
Chipfu; bya aburu
Okalibe-Kakota-Ike;
onye abujeru;
o -denyi eliphe l'ophu eka;
l'o dazeshihu;
iphemiphe, bu iya nu
aguahaa aphu;
ali-a l'ophu abyaa
utso g'enyimu Nayilu;
e -mechaa l'o daa rigbidii
ge nggele ali Ijiputu.

⁶ Mbu onye kpushiru
ulo-eli iya dobe l'imigwe.
O buru eliphe bẹ o turu
okpa ulo obu;
onye ekuje mini,
doru l'enyimu oku;

l'ọ bya eworu iya
dzeeru eliphe l'ophu;
ọ kwa Chipfu bu
ẹpha iya.

⁷Wakwa iphe, Chipfu epfu baa: “Unube ndu Ízurelu; unu le ndu Kushi; ?unu ta abudu mu iphe lanu? ?Tobudu ali Ijiputu be mu jeru je eduta ndu Ízurelu; bya eje eduta ndu Filisitayinu l'ali Kafuto; bya edutakwapo ndu Aramu l'ali Kiru? ⁸Tororo, mu egbueru iya pho unu bu lenya Nnajiuphu, bu Chipfu dukwa l'ehu ali-eze ono, ejo-iphe du ono; mbu le mu e-mebyishikota iya g'ọ to duhe le mgboko-a. Obenu l'onu-ulo Jiékọpu be mu tee mebyishikwa.” Nokwa iphe, Chipfu eepfu.

⁹“Noo kele mu a-tu ekemu; mu abya anma onu-ulo Ízurelu yigayiga nmakofu iya l'echilabo ohamoha ozo woru iya yo ayoyo le n-yo egube-a, aayoje ereshi-a; obenu l'ọ to du du g'ọ ka mma l'ọ akpuru iya lanu erwu l'ali. ¹⁰Iphe, bukpo ndu iphe-eji, nokota l'echilabo ndibe mu l'a-lakota l'ogu-echi; mbu iphe, bukpo ndu ono, anoduje epfu su leze iphe-ehuka tee shiswetakwa eka ephe no; ophu o byapfutakwa phe.”

Eedophu ndu Ízurelu azu l'onodu phe

¹¹“O -rwua mboku ono be mu e-kpukwakwa ulo-ekwa Dévidi ono, daru adada ono. Mu emekwaa iphe, bukpo eka o mebyihuchaaru emebyihu; bya emekwaa ya g'ọ to buhe ochobu; mbu mee ya l'ọ du g'ọ shi adujehawaa; ¹²k'ophu nwa ndu wafuru nu le ndu Edomu a-buru okiphe phe; yee iphe, bukpo ohamoha, bu ndu eeku epha mu.” Nokwa iphe, Chipfu eepfu; mbu onye bu iya e-me iphemiphe-a.

¹³Wakwa iphe,

Chipfu epfu baa:
“Mboku abyakwa;
mbu mboku,
ee-gudekwadu g'e
metabebe iphe, e meberu
l'egu;
ndu okoro awatawaa
okoro;
teme onye azoshi
akpuru vayinu evuru
onye emebe iphe l'ali uzo.

Mee ophuu eshichaa

l'eli ubvu atashi paapaa;
mbu shi l'eli obvu aso
gborogboro.

¹⁴Ndibe mu ono,

ɓu ndu Ízurelu ono,
 a kpuru lẹ ndzụ ono ɓe
 mu e-duphutachaa azụ.
 Ẹphe abya akpụkwachaa
 mkpụkpụ ono,
 shi ɓugbaaru ochobu ono;
 bya ebuchishia ya ọzo.
 Ẹphe akọahaa opfu-vayinu;
 nguahaa mẹe, shi iya nụ.
 Ẹphe agbahaa mgbabu;
 riahaa akpuru-iphe,
 e meberu iya.
 15 Mu eworu ndu Ízurelu
 dzaa adzadza l'alị
 phe gededede.
 Ọphu a byadu ephefubaa
 phe ephefu l'alị ono,
 mu nuru phe ono.”
 Nokwa iphe, Chipfu
 ɓu Chileke unu epfu
 ɓu ono.